



MG

Broj: 08-02-2-1020-55/2020  
Sarajevo, 30.04.2020. godine

Na osnovu člana 17. tačaka. 20, 24, 28 i 30. Zakona o Visokom sudskom i tužilačkom vijeću Bosne i Hercegovine („Službeni glasnik BiH“, br. 25/04, 93/05, 48/07 i 15/08), Visoko sudsko i tužilačko vijeće Bosne i Hercegovine, na sjednici održanoj 30.04.2020.godine, donijelo je

## ODLUKU

o organizaciji rada u sudovima i tužilaštvima u Bosni i Hercegovini

1. Stavlja se van snage: Preporuka Visokog sudskog i tužilačkog vijeća Bosne i Hercegovine, broj: 08-02-2-1020-1/2020 od 15.03.2020.godine, Odluka Visokog sudskog i tužilačkog vijeća Bosne i Hercegovine o organizaciji rada u sudovima i tužilaštvima u Bosni i Hercegovini, broj 08-02-2-1020-2/2020 od 22.03.2020.godine, Odluka o dopuni Odluke Visokog sudskog i tužilačkog vijeća Bosne i Hercegovine o organizaciji rada u sudovima i tužilaštvima u Bosni i Hercegovini, broj: 08-02-2-1020-45/2020 od 27.04.2020.godine i Odluka Visokog sudskog i tužilačkog vijeća Bosne i Hercegovine o produženju roka za ocjenjivanje rada nosilaca pravosudne funkcije, broj 06-08-1-1248/2020 od 26.3.2020. godine godine.
2. Rad pravosudnih institucija mora biti usklađen sa odlukama nadležnih kriznih štabova i drugih nadležnih organa za upravljanje krizom na teritoriji nadležnosti svake pojedinačne institucije.
3. Sve odluke o liberalizaciji mjera rada u pravosudnim institucijama moraju biti srazmjerne trenutnoj epidemiološkoj situaciji na području rada svake institucije koja se mora svakodnevno pratiti te shodno istoj uvoditi ili ublažavati mjere.
  - a. U području krivične nadležnosti predsjednici sudova i glavni tužioci moraju preduzimati sinhronizovane i koordinisane mjere i liberalizaju mjera.
4. Predsjednici sudova i glavni tužioci u BiH su obavezni do 15.5.2020. godine uvesti puno radno vrijeme onih koji dolaze na posao.
  - a. Broj nosilaca pravosudnih funkcija i radnika koji dolaze na posao odrediti će svaki predsjednik suda i glavni tužilac shodno prostornim mogućnostima svake pojedinačne pravosudne institucije za rad u uslovima socijalne distance te zdravstvene i epidemiološke zaštite svih koji dolaze na posao i lica koja po pozivu dolaze u pravosudne institucije.
  - b. Svi predsjednici sudova i glavni tužioci su dužni voditi računa o ravnomjernom opterećenju svih nosilaca pravosudnih funkcija i radnika prilikom pravljenja rasporeda poslova shodno liberalizaciji mjera koje preduzimaju.
5. U vezi sa tačkom 4. ove odluke sve pravosudne institucije su dužne prije liberalizacije mjera i uspostavljanja novog načina rada obezbijediti dovoljan broj zaštitnih sredstava.

Pored ostalih preporuka nadležnih epidemioloških, sanitarnih i drugih institucija, zaštitna sredstva posebno treba obuhvatati: postavljanje korita za dezinfekciju obuće (dezobarijera) na ulazima u zgradu pravosudne institucije, postavljanje dozatora sa dezinfekcionim sredstvom za ruke na ulazima u zgradu pravosudne institucije, mjerenje temperature na ulazima u pravosudne institucije, obavezno nošenje zaštitne maske tokom boravka u zgradi pravosudne institucije, zaštitnih rukavica, u skladu sa ukazanom potrebom ili preporukama epidemiološko-sanitarnih službi organizovanje dezinfekcije svih prostorija u zgradi pravosudne institucije, a posebno javno dostupnih prostorija (hodnici, pisarnice, protokoli, prostorije za zadržavanje lica lišenih slobode, sudnice, prostorije za saslušanje, toaleti i sl.), kao i organizovati preduzimanje drugih preventivno tehničkih mjera za koje se ocijeni da su odgovarajuće za zgradu pravosudne institucije i uslove u njoj.

- a. Predsjednici sudova i glavni tužioci dužni su na osnovu ove Odluke sačiniti Plan liberalizacije mjera u institucijama kojima rukovode te isti dostaviti VSTV BiH, ministarstvima pravde i advokatskim komorama.
  - b. U slučaju nepostojanja adekvatnih zaštitnih sredstava neophodnih za liberalizaciju mjera na sudovima i tužilaštvima, predsjednici sudovi i glavni tužioci će o istom obavjestiti nadležna ministarstva pravde te VSTV BiH u cilju obezbjeđivanja ovih sredstava. Dok se navedena sredstva ne obezbjede, predsjednici sudova i glavni tužioci neće početi sa liberalizacijom mjera shodno ovoj odluci već će nastaviti sa dosadašnjim načinom rada shodno ranijim odlukama.
6. Ročišta je moguće organizovati i zakazivati samo na način i u prostorijama u kojima je moguće obezbjeđiti adekvatnu socijalnu distancu svih prisutnih i konstantno prirodno provjetravanje, vodeći računa o hitnosti predmeta, starosti predmeta te broju učesnika u postupku..
  7. O svim mjerama u organizaciji rada predsjednici sudova i glavni tužioci će obavjestiti VSTV BiH, ministarstva pravde te advokatske komore te istaći jasna uputstva na ulazima u sudove i tužilaštva o načinu ponašanja svih koji ulaze u zgrade pravosudnih institucija.
  8. Ova Odluka je na snazi dok traju vanredne okolnosti uzrokovane virusom COVID-19 (korona virus) u Bosni i Hercegovini.

